



25. April 2019
Aqqalu C.Jerimiassen

UPA 2019/12

2020-mi akileraarutitigut ilanngaattissat il.il. imatut angissusilerneqarnissaannik Inatsisartut aalajangiiffigisassaattut siunnersuut: 1. Inummut ilanngaat.....kr. 48.000 (ukiumut) 2. Ilangaat aalajangersimasoq.....kr. 10.000 (ukiumut) 3. Aningaasarsiat B-t akileraaruteqaataasussaannigitsut kr.5.000 (ukiumut) 4. Killilimmik akileraartussaataitaasunut ilanngaat kr. 1.000 (ukiumut) 5. Kommunitut ataatsimut akileraarut.....6%

(Aningaasaqarnermut Nunanilu Avannarlerni Suleqatigiinnermut Naalakkersuisoq/
Naalakkersuisoq for Finanser og Nordisk Samarbejde)

Akileraartarnermut ullumikkut eqqartuissatilluni innutaasut amerlanerpaat eqqarsaatigisagaat tassaajunnarsivoq utertoorteqarnissamik neriuuteqarneq.

Tamannalu Atassummiik akileraartarnerup paasisimaneqarnerata isigineqarneratalu annertuumik allangortariaqarnera angusariaqaripput isumaqarpugut.

Akileraartarneq innuttaasunut tamanut iluaqutaanerpaamik aaqiivigisariaqartuaannarpoq, taamaakkaluartorli allanguitilluni kikkut tamaasa nuannaartinnissai ajornakusuulaarsinnaasarpog.

Oqariartuutillu atorpeqakkajuttut tassaajuartarput pissakinnerpaarpatta oqilisaaviginissai, tamannali immaqa uani mumiallaneqarsinnaavoq oqartaaseq, akileraartariaatsip iluani utoqqartatsinnut ukiorpassuarni akileraartooreersimasunut qujassutissaqaqigatta oqilisaassinissat eqqartornerusinnaasariaqaratsigit asuli qineqqusaarutaannartut atorunnaamilarlugit.

Inummut ilanngaat maanna atorpeqartoq naatsorsuillaqqissilluinnarnikut atorluartaqaat, tassami akileraarutit sippuutaannik utertoorteqarnissartik kisiat anguniarlugu atorluajuarput, immaqaluunnit imatut taallugu atornerluuarput.

Takussutissaavorlu taanna akileraartarnikkut ullumikkut inissisimanitsinni akilersinnaarpiangitsumik inissisimasimasugut, akileraarutimmi sippuutaani pissarsinissaq pillugu kisiat sulitallaannartoqartarpat ukiullu sinnera ikiorsiissutinik pisarluni ingerlanissaq toqqarneqartarsimappat namminernimi tamanna erserpoq. Qanormi taama kipungatigisoqarsinnaava? Inuk suliuartoq tapertarlunilu allaat ilaatigut pisartoq qanoq ililluni qaqinissaq nakernassangami. Eqqarsaallu uunga saatinneqarsinnaagaluarpoq, ukiumut ilanngaat millisaaffigisinnaangaanni, akileraarullu appartillugu malunnaatilimmik, sipaarutaasut sinneri inummut ilanngaammi inissisimasut utoqqalinersianut qaffassaattit atorpeqarlutik.

Uanili atukkat erniaavisa ilanngaatigineqarsinnaanerisa pisussaaffiunissaat eqqornaversaarlugu, aningaasammi atukkat erniaavinut akilersuisut tasaanerpaammata akunnattumik isertitallit, taakkuuppullumi aningaasanik annertuumik akiitsoqartariaqartartut aningaaserivinnut sumilluunnit pisortatigut taperneqarsinnaaneq ajoramik. Innuttaasut atungarissaarnerunermut



ikaarsaartinneqarnissaannut akissarsiat kisiisa qaffassartuarnissaat kisimi aqutissaasariaqanngilaq, akileraartarnikkulli aqqissuusseqqinnermi pisisinnaassutsip qaffassarneqarsinnaanera aqutissaalluarmat.

Naak maanna taama isikkoqartillugu Atassummiik akuerseqataassangaluarluta Naalackersuisunut kaammattuutigerusupparput akileraarutit apparsariartuaarnissaat ukiuni aggersuni oqaasiinnaatinnagu suliarineqartariaqalersoq.